

Anpao

Kin.

THE DAYBREAK.

"Wankantanhan Anpao kin hiyoumbipi." - Luke 1. 78.

VOL. XVII

FOREST CITY, SO. DAK., OCTOBER-NOVEMBER, 1901.

NO. 10

ANPAO - KIN:

Rev. E. Ashley, Rev. W. J. Cleveland, EDITORS

Anpao wotanin wowapi kin wi iyohina, wiyawapi anpetu tokaheya eca wowapi tokxu kin ogna yewicakiciyapi ece.

Wi akenom (one year) on kaxpapi yamni kajujupi kta.

Wi xape kin kaxpapi wanji sam okise. Icupi xni itokab kdajujupi kta.

Wowapi askabyapi maxaxana wanji qaix nonpa owapi kin. mazaska cekiya, ANPAO KIN opeton okilipi kta.

Tuwa wowapi kagin kta ca wowapi ska sani el owa kta.

Opetonpi kta wowapi hiyukiyapi qaix ed taku oyakapi kta cinpi na hiyukiyapi ca, wowapi ojuha akand deced owapi kta.

REV. E. ASHLEY,
Clydenne Agency, S. D.

Yawwaxeya Caxeyatapi Wotapi Wan

ANPAO KIN icikoyagunyanpi qa wicoran waxte econ iyounpaxtakapi kta woohihi yuha. Okodakiciye-wakan opapi tka abebeya tipi kin. hena iyotan taakiye waxte heca kta. Bixop waun kin ceyatanhan taku ecanon onxaxpa oyakapi qa taku bduotanin kta wacin kin hena owasin. qa Tipiwakan iyaza omawani woyakapi kin hena, qa nakun Okodakiciye-wakan kin wotanin tawa toktokceca ed kagapi kta. Oyate unkita-wapi kin owasin Anpao kin icupi qa sanm wicaxa takceca wicagupi nin ecanmi.

W. H. HARE,
Yewicaxipi Bishop

WOTANIN IKCEKA

Buffalo, N. Y. Friday, Sep. 6th, he ehanl Tunkanšilayapi kin, Mr. McKinley, he nonpa isakpe on opi. Lakota "nawizi ktepi" eyapi kin he ognayan heconpi šni tka oyate tanka oyasin ega okolakiciye šica wanji "Anarchist" ewicakiciyapi kin he tanhan wanji, Leon Czolgosz eciyapi kin, he hecon. Anarchist kin nalimala škanpi sa, yuukan oyate tanka oyasin ega oitanacan uupi kin hena na wotatope wašte yuke cin koya ihangyapi kta kuwapi. Mr. McKinley wapazopi tanka ekta Temple of Music kin ogna najin yuukan wicota hel unpi kin etan tona cinpi kin el ipi na napeyuzapi kin icanhan Czolgosz inš eya napeyazin kta selyakel el i tka tokel ehan kta ablezapi šni ecel ungnahanla nonpa kute. Mazasu unma maku el iyeyaz yuukan celpi olilateya hohu icagla iyotanka canke oieu wašte na iecala heyab icupi, tka inonpa kin he tezi ogna iyaya yuukan cankahu ikiyela tuktel iyotanke selececa eša nahanein he icupi šni, ecel ta.

Saturday, Sep. 14th, 2:15 a. m., hehanl ta.

Anarchist ewicakiciyapi wanji Tunkanšilayapi kute nahonpi yuukan oyate etan wicota ikiyela najinpi kin lila išigla jinglapi na wancag hecon kin iyaliyayapi na ktepi wacin inyang el yapi kin on canksayuha na akicita hel unpi qon niyapi kta ca on oyate ob kicizapi se lila teliya škanpi. Wancag oyuspapi tka oyate lila canzepi na okitikapi kin on ituktaktel ontonyanpi eša hankeya canksayuhapi kin inš wašakapi yuukan tanyan akiyaglapa na wicokaške tipi ogna kaška gnakapi. Sintelila wanji tuktel iyeyapi kinhan wancag ktepi kin he iyecel oyate oyasin ega anarchist ewicakiciyapi kin wicaktepi wašte selececa qeyas iyukeanyan awacinpi kinhan hena inš eya wicaša na sintelila iyecel šikšicapi eša takomni inš eya oyate etanhanpi canke oyate woope iciciyapi kin ogna inš eya aiwicayapi na telislolyewicakiciyapi kin he owotanla kta ee tanit kta.

Milahanska oyate etan na Saglaša oyate etan ptanyetu iyohila šinawatopekiyapi wata inyangkiyapi sa kin hena ake le ptanyetu kin heconpi kta on tehan wata ihankeya lusluzahan iicignihanpi. Saglaša kin inš wata teca icicagapi na Shamrock II eya caje qupi, tka Milahanskapi kin inš wata wan on hekta ohiyapi qon hehehanl ake wacinyanpi kta igluštanpi. He Columbia eciyapi.

Kanği Wicaša tamakoce, Montana makobašpe ekta, hetanhan woju iyutapi woyawa tanka wanji sanpa koktopawinge opawinge wanji sanpa koktopawinge wicemna zaptan yullokapi kta ca Kanği Wicaša wana ob yuštampi tka Wakiya Omniciye Tanka el nahanheon on woyuštan kagapi šni. Opetonpi kinhan woju iyutapi wanji yuukan on mazaska wicagupi kta ob yuštampi na ecel econpi kinhan Kanği Wicaša hetanhan mazaska \$1,150,000 he naliha Tunkanšilayapi ti ekta wicakiciyankin kta. Kanği Wicaša makece lila tanka yuhapi canke onšpa hinsko tanka wiyopekiyapi eša akab iwiciyayin kte cin he wicaša iyohila woju iyutapi

koktopawinge wanji yuha kta on kipi kta. Tamakocepi kin lila waniyanpi oyuha wašte qeyas aminitanyanpi šni hantans owoju pica šni. He etanhan wakpala waštešte ota, canke onšpa tanka aminitanye pica tka ake heconpi kta hecinhan on mazaska ota ayusotapi kta iteka.

Hasapa tamakoce ekta, Congo Makobašpe el wamakaškan owe tokeca wanji iyeyapi. He šunkawakan kitanna iyececa tka tachu hanska na šinte ptecela, giraff ewicakiciyapi kin iyececapi. Okapi eya cašwiconpi.

Miniwanca koakatanhan wicaša wanji wana wicaša tanka eša tonpi ehanhan isto nainš hu takuni yuhe šni. Hoksicala iye cel woqupi na iyeculcin i kin hecela on taku oyuspin kta okilbi. Hececa eša wowasi econ: i kin el masiyape ciqala ieu na on mazaiyokatanpi ciqala can el okatan kta okilbi yuukan hecel wanapiškanye kage sa na on wakanna. Ešala onšika na on icilhi kta takunih econ okilhi kta iyececa šni selececa eša ohinni bliheca ma cantewašteya un keyapi.

Lakota oitanacan unpi qonwanji owancaya tanyan slolyapi, Tapopi Ciqala eciyapi qon, he Buffalo wapazopi tanka etan kuja gli yuukan iecala ta; Pine Ridge makobašpe ekta.

Tunkanšilayapi ktepi yuukan Iyokihe yanke cin, Theodore Roosevelt, Vice President, he oštan iyotangkiyapi. Oyate ake Tunkanšilayapi kta tokeca wanji glahniyapi kta na glahniyapi kin hehanyan Roosevelt iye Tunkanšilanyanpi kta.

Oyate Wewakta Wicaqn.

Hekta July wi qon ehanl Cankepeopi wakpala opaya Christian winyan wašte wanji Jesus el ištinnma iyaya. Pine Ridge ekta Wawokiye unpi kin wanji tawicu hee, Mrs. Eva P. H. Horse eciyapi. Wana tin kta ikiyela ikicinhan sloikiya qonhanl hignaku cajeyatin na heciya: "Toka yelaka lila cantenišice kin. Cantenišice šni ye. Wana ilpeya iciyayin kte, tka ehake wowaglakin kte. Wookaliniye Izaptan; Tuwe wicaša šica tawowakokonkiye

kin ogna mani šni, nakun waltanipi sa tancaku kin el inajin šni, na wauncapi oyanke tawapi kin el iyotanke šni kin, he wowaste yuha; tka Itanean toope kin wowiyuškinya, na tawoope kin anpetu hanhepi koya awacin un. Hececan wan mini wakpala icagla ojupi, na iyehantu eca waskuyeca icahyacece kin, na nakun ape tawa šniye kte šni he iyececa: na taku econ kin oyasin iyececiya, hehanyan, na hehanl Wayutanin, 22:1-4, "Wakpa wan wiconi mini ska kin, cahtowata iye cel ska, he makipazo, he Wakan tanka na Amnos oiyotanke tawa kin etanhan glaluzi. Yuukan canku cokaya, na wakpa kin anokatanhan wiconi can kin icaga, he waskuyeca ocaje dkenonpa aicaga, wi oiyotohi waskuyeca aicaliya ece: na canwapa kin hena oyate kin okiziwicaya ece. Yuukan heciya wicayusihe wanicin kta; tka Wakantanka oiyotanke tawa kin he, na Amnos tawa kin hel bin kta, na tawowaši kin hena tawodhope kin ecel econpi kta: na itognake kin wanyakapi kta, na caje kin iye itepi kin el yuhapi kta." "Hehanyan wowapi cola tawacin on kiksuya on eya, nahana ake heya": Charles, olowan le eye, 131. Nakun tonwel Anpetu Wakan el wahokonwicayakiye na hecel ehe qon: "Taku onspewicakiciyapi kte kin hena niye tokaheya ecel econpi hehanl onspewicakiciya po," ehe qon he yeksuya he? Charles, wicoye kin hena blušicina na ceyunwagla na on ilangmiciyin kta wacin šni ye. Anpetu ehake kin, Wakan tanka wayasu kta kiyotanke kin, toke cin wotehi unakikipapi kte le! ecanmi can macancan ye. Heon mitancan kin woonspe on tewakiye šni kin: taku iyomapi kin kta he tokata ogna ecela wowašake yu kin kte kin, heon, Charles, niwaun kin waltewala šni ye. Eya, maka akanl iyotiyeakiyin kte kin awacanmi can ciscila ihacikta ye. Qeyas wicohan nitawa kin el sutaya najin ye: cantešice šni ye." Hehanl heya: "Šičeši, Paul, he niye he?" "Ho," ayupta yuukan ake heya, "Šiepan kici napemayuzape. Wana unyaniciyayapi kte. Charles, wana wacekiya ye: wana kiyela u we." Paul H. Horse wocekiye econ, na gluštan el wanji heciya, "Tanksi, iyemayakiya huwo?" "Joseph Black Bear he niye ye. Wana mayupakasipe ye," eya ca hignaku kin yupakasin kin heceglia niya kin ataninšni iyaya.

THE DAYBREAK.

Rev. E. ASHLEY,
Rev. W. J. CLEVELAND
EDITORS.

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription price is 30 cents per annum and may be paid in one or two cent postage stamps.

Single subscriptions for six months, 15 cents.

All subscriptions and matter for publication should be addressed to

REV. E. ASHLEY
Cheyenne Agency, S. D.

Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain my official notices and accounts of my official acts and visitations. I hope our people will take it and circulate it.

W. H. HARE,
Missionary Bishop

PRINTED at the office of the "Forest City Press."

ENTERED at the Postoffice at Forest City, So. Dak., as second class matter

OKOLAKICIYE WAKAN WIYAWAPI KIN

November wi kin

1. Wakanpi oyasin Taanpetu-pi kin..... Ska
3. Yamni iyohakab Anpetu wakan wikcemna nonpa sanpa nonpa..... To
10. Yamni iyohakab Anpetu wakan wikcemna nonpa sanpa yamni..... To
17. Yamni iyohakab Anpetu wakan wikcemna nonpa sanpa topa..... To
24. Advent itokab Anpetu wakan kin..... To
30. St. Andrew Wahošiyē Taanpetu..... Ša

Wotanin-wašte Ayapi On Wocekiye.

Anpetu iyohi wicokaya he cin ehan kiyapi kta:

Wanikiya wašte isto wacantkiya nitawa kdugad, canicipawega akan okteyahan yam tka qon, maka akan wicaša un kin owasin Niye ekta etonwanpi qa niwica-yapi nunwe. Amen.

Okolakiciye Wakan Wiwicawangapi tawa Oieska pcecela wan.

Onšpa itopa.

Christian Wocekiye kin

Wiwicawange cin. Hokšiyopa wašte mitawa kin, he le slolya yo; lena niye cinka ecanon kte cin oyakibi kte šni, na nakun iye towašte iyotan kin niču šni kinhan, Wakantanka Woohope tawa kin hena ogna mayani, na tawacin kin oyape kte cin oyakibi kte šni: heon he ohinni wocekiye eciyatanhan blihela yakila kte cin, onspenigiciye kta. Heon

etanhan, Itancan Tawocekiye kin eha oyakibi hecinhan, naonman yo.

Ayupitapi.

Ate unyanpi, malpiya ekta nanke cin, Nicaje wakanlapi nunwe. Nitokiconze u nunwe. Malpiya ekta nitawacin econpi kin He iyecel maka akan econpi nunwe. Anpetu iyohi aguyapi kin, anpetu kin le unqu piye. Na tona ecinšniyan ecaunkiconpi kin wicunkicicajuppi kin, He iyecel waunštanipi kin unkicicajuppi piye. Na taku wawiyutan kin ekta unkayapi šni piye; Tka taku šice cin etanhan eunglaku. Amen.

Iwanga. Wocekiye kin le el Wakantanka taku yakila he?

Ayupitapi. Itancan mitawa Wakantanka kin, malpiyata Ate unyanpi kin, he iye wowašte oyasin wicaču kin, miye, na wicaša oyasin wowašte unkukiyapi kte cin he wakicin; hecel iye ceunkiyapi qa tohan econqonpi, na iye anaungoptanpi kta iyecece cin, iyecen econqonpi kta. Na nakun unnagipi qa untancanpi kin taku icakije cin hena unkukiyapi kta e Wakantanka icewakiya; he onštanipi, na woaltani unyuhapi kin unkicicajuppi kta: na unnagipi na untancanpi kin el taku wokokepi kin oyasin el nakikiyapi na ceunkiyapi kta he iyokipi kta; na woaltani na wicoban šica oyasin etanhan, na woniya šica toka unyanpi kin etanhan, na wiconte owihanke wanice cin hena etanhan tokanl unyuhapi kta, hena icewakiya. Na le ecel econ kta waciawaya, towawonšila na towašte kin he eciyatanhan, Jesus Christ Itancan unyanpi kin eciyatanhan. Na heon etanhan, Amen, heceta nunwe, epe.

Wacckiyapi.

Tohanhan cekiyapi kta e ohinni okanyanpi kta wašte, Dan. 6: 10; Ps. 55: 17; nahan owotanla opiiciyapi kta, hecel woyatan on najinhan najinpi, Ps. 135: 1, 2; na woaltani oglakapi na wakilapi on canpeška makagle inajinpi, St. Luke 22: 41. (Wocekiye wawapi kin Hihanna na Rtayetu cekiyapi wocon kin, na Wotapi Wakan wocon kin el woaltani oglakapi wicaši kin itokab wooppe kin hena wanyakapi wašte.) Ayaštan šni, St. Matt. 15: 22-28; St. Luke 11: 5-8; wicalaya, St. Matt. 21: 22; na Wakantanka tawacin iyowinyan, St. Matt. 26: 29, cekiyapi kta iyecece. Nakun wita-taninyan wacekiyapi kta ca Wakantanka iyecececin glalniga, Gli. 25: 8; 33: 7; Anpetu oyakapi 7: 12-16; na wocon kin he Christ tohan kin on yuwakan, St. Matt. 12: 9; 18: 20; St. Luke 4: 16.

Itancan Tawocekiye kin.

Itancan Tawocekiye kin he

Woohope wikcemna kiei owanji-la se, hecel "Ateunyanpi" eyapi kin he wooppe tokaheya kicica, "malpiyata nanke cin" imempa kicica, "Nicaje wakanlapi nunwe" iyamni kicica, "Nitawacin ecel econpi kin" itopa kicica, "anpetu kin le aguyapi unqu piye" he iša-glogan kicica, "waunštanipi unkicicajuppi piye" išakpe na inapci-yunka kicica, "wawiyutan kin ekta unkayapi šni piye" he išako-win na iwikcemna kicica.

Taku icekciyapi.

Ateunyanpi. Unkiye wiuncašapi na hecel Wakantanka Ate unyanpi, Wico. 1: 27; tka Christian heuncapi kin iyotan Ate unyanpi, Rom. 8: 15-17; Gal. 4: 4-6. Wocajeyate kin le on Iye tokel canteunkiyapi kin he yuatanin.

Malpiya ekta nanke cin eyapi kin on Wakantanka wawitan na wotanka tawa kin unkisuyapi kta; na unkiye tokata tuktel unqonpi kta, St. John 14: 2; 2 Kor. 5: 1; na taku tawaunyanpi kta tuktel yanke, 1 Inyan 1: 4; na woape unkitawapi on. onspeunkiyapi kta iyecece.

Nicaje wakanlapi nunwe eyapi kin on tohan ceunkiyapi ca ohinni yuonihanyan unkeyapi iyecece. Gli. 20: 1. Wakantanka Caje wakanlapi kta unkeyapi kin on wicaša oyasin yuonihanpi, oholapi, na yawakanpi kta unkapi: oyasin tokel econpi kta iyecece kin nahalci ecel wakanlapi šni unkoglakapi, na tokata" unkiipi heceni on šni, tka unkolanpi kin on caje wakan unlapi kta e wowašte unkilapi. Nakun Wakantanka taku tona tawa kin slolyapi na oholapi kta, Iye towašake anagoptanpi kta, woohola tawa owancaya icupi kta iceunkiyapi, icin lena oyasin Wakantanka caje kin ikoyakapi. Gli. 34: 5, 6. Tohan wašte unkolanpi kin wicaša toktokeca Wakantanka caje kin wakanlapi kta onspewicunkiyapi, na eciyatanhan on "Malpiyata Ateyapi kin yuonihanpi ece." St. Matt. 5: 16.

Nitokiconze u nunwe. Leon tokaheya wicaša oyasin Wakan-tanka anagoptanpi kta, na Christ towašake ihukuya unqonpi kta, na tokiconze kin unkiyepi el un kta, St. Luke 17: 21; Roma 14: 17; na maka owancaya ihunni kta, Phil. 11: 10, iceunkiyapi. Hece-lyata naiš makoce tokeca el tipi wakan kagapi kta na wicaša wakan wicayuatapi kte cin on mazaska unkicunpi kta iyecece; na unkolanpi kin on wowašte onspe-wicunkiyapi kta, lakaš tuwa wicanagi wan Christ ekta yuhom-mipi kinhan he wokamna tanka, Jakob 5: 20; nakun Okolakiciye wakan el wowašte wocon tona yuke cin oyasin yušašniyan ecel unkopapi kta iyecece. Inonpa, malpiyata opeunyanpi kta iceunkiyapi, 2 Inyan 3: 9-14. (Wi-

calapi wocon kin wocekiye eha-ke wanyakapi wašte). Wiconte na woyasu kin on unkigluwiye-yapi šni hecinhan wocekiye kin le wicakeya unkeyapi unkokihipi šni.

Malpiya ekta nitawacin econpi kin, he iyecel maka akan econpi nunwe.

Woeye kin le el malpiyata tokel Ogligle wakan econpi kin iyecece amagoptanyan Wakantanka waecaunkiconpi kta, na cantewa-šteya unyatanpi kta ceunkiyapi. Wowapi wakan el Iye tawacin gluatanin, tka Iye wacinunyanpi kin iyutin kta ca tokel ke cin tuktektel atanin šni. Woohope tawa anaungoptanpi eca tawacin gluatanin kin he ecel econqonpi. Wiwicakicigni tawa el iyowinun-kiyapi eca tawacin atanin šni kin ecel econqonpi. Ps. 40: 8; 143: 10; St. Matt. 7: 21; Olan. 21: 13, 14. Leciyatanhan on Wani-kiya tanyan waonspeunkiyapi. St. John 4: 36; 6: 38; St. Matt. 26: 39. Ogligle wakanpi kin Wakantanka tawacin kin yatanyan, St. Luke 2: 13, 14; iyuškinyan, St. Luke 15: 10; na toktokeca owicakiyapi, Heb. 1: 14, on ecel econpi. Ehake kin le on Elija makoskan el un, na Daniel mnaja tipi kin el un owicakiyapi na wo wicakahipi, 1 Wicaša 19: 5, 6; Daniel 6: 22; St. Peter wicokaške etanhan kiyuškapi, Olan. 12: 6-11; na Itancanunyanpi wawiyutanpi, St. Matt. 4: 11; na kakije qon, St. Luke 22: 43 okiyapi. He iyecel Jesus etonwan malpiyata Ateunyanpi tawacin ecel econqonpi kta. Woeye yamni kin lena el, Iye "unkiye na wicaša oyasin wowašte unkukiyapi kta hecel iye ceunkiyapi na tohan econqonpi, na iye anaungoptanpi kta iyecece kin, iyecel econqonpi kta" e unkilapi.

Anpetu iyohi aguyapi kin, anpetu kin le unqu piye. Woeye kin le el taku oyasin on Iye wacinunyanpi, Ps. 145: 15, 16; na untancanpi unnagipi ko tawoyute kin he unkilapi, St. Matt. 5: 6; St. Luke 4: 3, 4. "Unqu piye" unkeyapi kin on išnala igilapi Roma 14: 7; naiš wakanpi wicotawacin, St. Luke 12: 15; na owotanla šni, 1 Thess. 4: 11; na wakamna šniyan wauntapi kte cin, 2 Thess. 3: 3-12 itonpe unšipi. Na woeye kin le unkeyapi kin on tokel Wakan-tanka ecaunkiconpi kta uncinpi he iyecel wicaša ecauwicunkiconpi kta, lo cinpi kinhan wowicun-gupi kta, tancopila kin hayapi wicunqupi kta, na wayazankapi kin owicunkiyapi kta. St. Matt. 25: 34-36.

Tona icinšniyan ecaunkiconpi kin wicunkicicajuppi kin he iyecel waunštanipi unkicicajuppi piye. Lececece wicakeya ceunkiyapi kta hecinhan tokaunyanpi naiš tuwa keša taku šica econpi kin wicunkicicajuppi šni kinhan, Wakan-tanka unkicicajuppi kte šni unlapi, St. Mark 11: 25, 26; Eph-

esos 4:32. Tona waonsilapi ſni kin Wakantanka towaonsila kin anaiciptapi ece, tka wiyacimpi qon ognayan Wakantanka wa-unlitani pi oyasin unkiicajujupi kta. St. Matt. 18:23-35. Woeye kin le on ounce unkitawapi kin woalitani ikoyake, na anpetu iyohila taku icinſniyan econqonpi, na unkiſluskapi kta unkiſhipi ſni unkiſluskapi, hecel woowotanla cajeunyatapi ſni, tka Wakantanka towaonsila kin iwacitunyanpi, na wicaſa tona icinſniyan ecaunkiconpi wicunkicajujupi kta unkiſiconzapi. St. Luke 6:37.

Taku wawiyutan kin ekta unkiſapi ſni piye, tka taku ſa ca elaphan eunglaku piye. Wowapi wakan el Wakantanka tuweni iyutanye ſni unkiſiyakapi, Jakob 1:13, na woeye kin le unkeyapi eca Iye anaungoptanpi kin liglila unkiſwapi kte ſni unkiſapi, unkiſhipi isanpa iyutanunyanpi kta iyowinkiye kte ſni, na wokokipe oyasin etanhan eunglakupi kta icunkiyapi, 1 Kor. 10:13; 2 Inyan 2:9. Woalitani oyasin etanhan naunkipapi kte cinhan ohinni wawiyutan oyasin itkokib waktaya ceunkiyapi kta iyececa. Wico. Wakan 1:10; St. Matt. 26:41. Taku ſice etan eunglaku piye unkeyapi kin he Satan—Wakanſica—tuwa tohan kin elpeunyanpi qon, he etanhan unkiſapi kta unkiſapi. (Baptisma woeccon kin el woiſiconze tokaheya kin wanyakapi kta) 1 Inyan 5:8, na woalitani oiyopeye cin, lehan wicatanecan wokakiſe kin, na woalitani kajujupi ſni on tokata wicanagi icakijin kte cin ko, Roma 6:23, etanhan eunglakupi ye unkeyapi, lakaſ waiſakapi isanpa wowaſake wan uncimpi kin heon. Gal. 1:4; Phil. 4:13; 2 Thess. 3:3.

Woyatan kin.

Wokiconze kin, na wowaſake kin, na wowitan kin, hena ohinni na ohinni nitawa. Woyatan eyapi kin he, 1 Anpetu Oyakapi 29:11; 1 Tim. 1:17; Judas 25; Wayutanin 4:11; 5:13 el Wakan-tanki tokinihan, towaſake na to-witan kin, na Iye owihanke waniſa Wakantanka un kin on wocekiye unkeyapi kta woiyopastake, lakaſ Iye na lena ohinni na ohinni un kte cin heon. Ps. 90:2.

Amen.

Amen eyapi kin he Hebrew iapi etanhan wicoie wan heca na wowicake he kapi. Juda okolakiciye kin el wacekiyapi icunhan oyate kin ogna waayuptapi kta kaſnigapi. Woepe Itag. 27:15; 1 Anpetu oyakapi 16:36. Wayutanin 3:4 el Christ he “Amen” he iye ce eyapi. Wocekiye iyohila ihanke el onſiye tka taninyan Amen eyapi kta iyececa, icin taku unkeyapi kin eciyatanhan taku cekiſapi kin hena unkitawapi un-yataninpi, na nakun wacekiſapi

kin awacin unkiſiyapi ece.

Wocekiye wowapi kin el tuktekel woyatan kin eyapi ſni, St. Luke 11:4 el Itancan Tawocekiye owa kin el opeye ſni kin heon.

Tohan wocekiye eyapi kta.

Anpetu iyohila hihanna na lityetu kin wocekiye unkeyapi kta iyececa, nahan anpetu icunhan uncantepi kin Wakantanka ekta yuwankanl unkiſapi kta waſte; na Tipi Wakan el tohan wacekiyapi kte cin ohinni yuſna ſniyan unhipi kta, na toktokeca kin obptayela Iyotan waſake cin waunkilapi kta, na he eciyatanhan Christ iwahounyanpi iyececa, St. Matt. 18:20, unkiſipi un kta he awauncimpi kta. Nakun taku tona Wakantanka unkiſapi kin, econunſipi kin ogna ohinni Jesus caje kin on unlapi kta unkiſuyapi waſte. St. 16:23, 24, 26, 27.

Wowapi Wakan yawapi Wawokiya.

II. WOONSPE WOWAPI.

(1) St. Paul Tawowapi.

Itokab oyakapi.

1. Wowapi kin. Wowapi wakan teca kin el wowapi wiceemna nonpa sanpa wanji kin hena, I-keeyate wowapi iyotanlapi kin icowanmyakapi kinhan hena lila tokeca. Maka oyate wowapi iyotan lapi tawapi—Veda kin, Koran kin, Zend Avesta kin, Confucius tawowapi kin el lecel okagapi ſni. Hena olowan, naiſ woonspe ikeeka, naiſ hitunkakanpi heca, na tohinni Wowapi wakan teca wowapi wicakicagapi heca ſni. Tka Wahoſiye taunpetu itokab wowapi kicicagapi ſa. Otokahewapa Juda wicaſa abebe-ya yapi qon wowapi kicicagapi ece. Nahan Asia Minor, Greece na Italy el Juda wicaſa omniſiye tipi icicagapi on ohinni takuku on wowapi kagapi na iyaza yeki-ſiyapi. Hecece Wahoſiye kin, Okolakiciye tona kagapi kin wowapi wicacupi kta cinpi qon oecon kin wancagna ſlolyapi.

2. Taku on wowapi kin okiwanjila ſe. Wowapi kin oyasin, na iyotan St. Paul tawa kin, taku toktokeca el yukan eſa, oyasin owecinhan akiyecal kagapi ſelececa. (1) Otokaheya napewicayuze on taku eye cin eciyatanhan wowapi kin taku kin kte cin otanin; (2) Hehan Okolakiciye wowapi kicagapi kin taku wowaſte yuhapi kin on wopila eyapi; (3) Hehan woonspe heca hea caje-yatapi; (4) nahan woonspe kin on tokel econpi kta iwahokonwicakiye; (5) na wicaſa tuwewe tokel cantewicakiyuze cin oglakapi; (6) na ehake tuwa wowapi kin he kage cin ſlolyapi kte cin on takuku oglala. St. Paul 2 Thess. 3:17 el hecel econ na ohakab

oecon kin he ohinni oguayan econ kta e oiglaka.

3. St. Paul tawowapi tokel omaka owecinhan owapi kin. Wowapi wakan teca kin el wowapi ognakapi kin he omaka owecinhan owapi kin ogna yanke ſni. Roma na Korinth. tokaheya egnakapi kin on owekiniſ otowe henios tankapi kin on hececa naceca; na Ephesos na Kolloſe wowapi kin Philipi itokab egnakapi, qe yaſ henios kagapi ſni itokab omaka tona hehan kagapi, na owekiniſ wowapi Wahoſiye teca el yankapi kin etan, Philipi wowapi kin tokaheya kagapi naceca. Wowapi nom iſ yamni kin on tokel tanyan ſlolyapi ſni naceca eſa kakel owe topa ognayan yawapica naceca.

I. Tokaheya Rome otowe el kaſkapi kin itokab.

(a) Inonpa icimani kin icunhan. 1 Thess. A. D. 52 ihanke el. Wiconſe on kage: 2 Thess. A. D. 53 Korinth el.

(b) Iyamni icimani kin icunhan. Juda oyate ikipajinyan—

1 Korinth A. D. 57 otokahe-wapa Ephesos el.

2 Korinth A. D. 58 otokahe-wapa Philipi el.

Galatia A. D. 58 Korinth el.

Roma A. D. Korinth el.

II. Tokaheya kaſkapi kin icunhan.

Iye na Christ on kage cin—

Philipi A. D. 62 naceca Rome el.

Kolloſe A. D. 63 naceca Rome el.

Philemon A. D. 63 naceca Rome el.

Ephesos A. D. 63 naceca Rome el.

Hebrew A. D. 63 naceca Rome el.

III. Tokaheya kaſkapi kin iyohakab.

Woawanyake on:

1 Timotheus A. D. 64 naiſ 67 Makedonia el.

Titos A. D. 64 naiſ 67 Makedonia. (?)

IV. Inonpa kaſkapi kin icunhan.

Woonspe hea na woawanyake on:

2 Timotheus A. D. 66 naiſ 68 Rome el.

RT. REV. HENRY BENJAMIN WHIPPLE

He Pahinhanskaska ee, qa Minnesota en Bishop tokaheya kin hee. United States en Episcopal Okolakiciye kin he tanyan ſdonyapi, qa Haſatonwan qa Dakota ko tanyan ſdonyapi. Haſatonwan qa Dakota kin taku otakiya un owicakiya qa onſiwicada ece tuka. September 16, Anpetu Wakan ihanhanna wihiyayedan ſakpe apa hehan Mahipiya woozikiye makece ekta iyaya. Iye ti kin Faribault, Minn. Adek otowe ekta Bishop Whipple wanna nina wicalica, qa anpetu tonana wayazanke, wowaya-

zan wanji angina pectoris eciyapi kin he ecece qa ſa ce, eyapi.

Bishop Whipple Pahinhanskaska Feb. 15, 1823, he ehan otowe wan Adams, Jefferson county, New York, en tonpi. Hecen wanna waniyetu (78) wiceemna ſakowin sanpa ſahdogan. He ehan iye atkuku John Whipple New York en mazopiye yuſe, qa Pahinhanskaska hunku kin he Miss Elizabeth Wager eciyapi tuka, he Henry Wager eciyapi kin he cunwintku, he ehan Washington otowe kin en tonkaniſidan yapi wan Jefferson eciyapi kin he wicaſa tona on wiyuſkan kta e wicakalinige cigon Henry Wager he wanji ee. Hehan Bishop Whipple New York makece kin en woonspe tipi wanjikji ihunniye. He iyohakam Pahinhanskaska wicaſa wakan waonspeiciye kta unkan, wicaſa wakan wan Rev. Dr. William D. Wilson eciyapi kin he kici omnye qa hetanhan Bishop Whipple unhanke wicaſa wakan icaga, New York makece kin he en tipi wakan wan Trinity Church eciyapi kin he en omaka (1849) he ehan Bishop De Lancey eciyapi kin he wicaſa wakan (Deacon) kaga. Ake omaka kin he iyohakam New York makece kin en otowe wan Sackett's Harbor, eciyapi kin he en tipi wakan Christ's Church eciyapi kin etu ake Bishop De Lancey woſnakaga (priest) kaga. Hehan omaka (1850) he en ake otowe wan Rome, N. Y. en tipi wakan wan Zion Church eciyapi he en wicaſa wakan yuhapi kta e kicopi. He inyan tipi wakan wanji nina owanyake waſte ce, eyapi. Bishop Whipple wicaſa wacinkſapa iekſapa, wohdaka wayupike kin heca, qa wicaſa otawaohdaka naſon cinpi ece, qa tukten hiyaya owasin okitaninyan hiyaye, qa wicaſa owasin waſtedakapi. Hehan tuwe Minnesota makece kin en Bishop yuhapi kta unkan Bishop Whipple he kaſnigapi, qa Virginia makece kin ekta otowe wan Richmond eciyapi kin en tipi wakan wan St. James Church eciyapi kin he en Bishop kagapi, omaka (1859) he en, qa Bishop Kemper eciyapi kin he yuſuta, qa hetanhan wicohan tankinkinyan yuſa hiyu. Nakun tuktektan United States makece kin de en ikcewicaſa unpi kin ehna tuwe tonkaniſidan ti etanhan wicohan tanka yuſa ikcewicaſa ehna yeſipi kta eca Bishop Whipple he tuktektan kaſnigapi ece. Adek otowe Faribault, Minn. ekta woonspe tipi St. Mary's Hall eciyapi kin he wicinyanna woonspe tipi wicakicaga, qa Shattuck Military School eciyapi kin he iſ hokſipidan woonspe tipi wicakicaga, qa Seabury Divinity School he wicaſa wakanpi kta waonspeici-

yapi kta on wicakicaga, qa he en tipi Wakan wan Merciful Savior eciyapi kin he tipi wakan itancan, he United States makoe kin de en (Cathedral) tipi Wakan itancan tokaheya ehdepi kin hee.

Hehan Miniwanca akasanpa (England) Sagdašin makoe kin ekta Bishop itancan wan omaka (1871) he ehan kico qa wita wan Sandwich Island eciyapi kin he en Bishop yuhapi kta e kalniga, tuka iye Bishop Whipple wicada šni. Omaka (1888) he ehan Miniwanca akasanpa Sagdašin makoe otowwe tanka (London) eciyapi kin ekta tukten Lambeth Omniciye tanka kin en wicašta ksapotancan ota kiwitayapi tuka en Bishop Whipple iye wahokonwicakiye kta kalnigapi. Qa nakun (England) Sagdašin makoe kin en tipi wakan itancan wanjikji en wahokonwicakiye kta econšipi ece. Hehan unciyapi (Queen Victoria) he iye totonwe Windsor Castle ekta yuonihan kico, qa nakun en unciyapi iye ta wowapi wanji "Highland Journal" eciyapi kin he qu. Hehan omaka (1897) he ehan Isantanka makoe kin Okodakiciye wakan kin Lambeth Omniciye tanka kin en Bishop Whipple, Bishop itancan ehanakapi. Hena hecetu, qa nakun United States makoe kin de en Okodakiciye Wakan en itanipi kin otakiya wicohan tanka wanjikji yuhekiyapi ece, Omaka (1889) he ehan New York ekta omniciye tanka wanji "Centennial of the Protestant Episcopal Church" eyapi kin en iye ake wahokonwicakiye kta econšipi. Nakun omaka (1899) he ehan omniciye tanka wan "the Centenary of the Church Missionary Society of England" ekta kicopi qa en wotadaka. Hehan hekta omaka (1900) he ehan itokali makoe tokeca tehan wita wanji Porto Rico eciyapi kin he ekta okodakiciye wakan kin heciya icage kta e iye tokaheya omniciye en kalnigapi qa yešipi, qa ekta i.

Omaka (1859) he ehan Minnesota makoe kin en Bishop Whipple tokaheya itani, unkan he ehan makoe kin he en ikeewiwicašta kin witaya (20,000) kektopawinge wikcemna nonpa ece-tupi, he ehan mazacanku liemani ohna oicimani unpi wanice, qa makoe kin he en wašicun qa ikeewicašta ehna okodakiciye wakan wocekiye yuha unpi kta telika ešta Bishop Whipple mniheca qa waditaka, canpahmihma ohna qa tuktekten šung akan oicimani yuha ece, qa nakun canwata ohna iyaye ece. Minnesota makoe tankaya conwancaya wanka ešta hena ehna wicohan wakan eciyatanhan oicimani ota yuha ece, tuktekten mašte, osni, qa waniyetu qa telika ešta hena hecen škan ece. Hena iyohakam Minnesota makoe kin en okodakiciye wa-

kan kin nina icaga, hehan Bishop Whipple wanna wicalica nakaeš tuwe ta wicohan en okiye kta wicakida unkan Rev. Mahlon N. Gilbert he Minnesota en Bishop Whipple okiye kta e (1886) he ehan Bishop kagapi, tuka omaka (1899) he en Bishop Gilbert ta, iš eya wicohan tanka qupi eciyatan waditake qa miniheca tuka.

Winona, Minn. ekta omniciye qon he ehan Rev. Samuel Edsall he Bishop Ookiye un kta e kalnigapi qon he dehan Bishop Whipple tohe kin ieu qa Minnesota en Bishop yuhapi kta qa hehan de ptanyetu kin October 2, 1901, en San Francisco, Cal. ekta General Convention omniciye tanka en sutaya kiciyuštanpi kta naceca.

J. C. Taylor.

Wakan Cekiyapi.

Oyanke eceqcel anpetu kin lena el wacekiye yapi kin kul ya keyapi na oyakapi na ees nakun wanunyanapi. Na hekta waniyetu conala qonhan hececa šni naceca. Kapi hee cin el akilececa šni, na icunhan isakibya woiyunge wan lececu. Hecetu ehan-taš taku wanji on wasab gle kta he! Oyanke watoketu nainš otinskoya ca wocekiye iyowaja kin tawoecon agle han kecimpi he? Nainš oyanke wanji el wacekiye yapi kte cin oicihipi šni kin he tuwa on hececa he? Nainš hececa kin heon tuwe ca ginkiye pica he? Le woawacin kin wanji, *Jesus Christ* waonspekiya wicayuha kin maka akan wawicaši qon hehan *Iye Cafe* kin on wawokiyapi na wahokonwicakiyapi kta ca wocon tawapi kin yatinšye hein he ewicakiye. Oyate kin mnicuyapi na wacekiyapi kin he el tona opapi šni kin upi, nainš tuwe wan wawahokonkiya ca el nahon yankapi kta takuni hececa eye šni. Tona Iye ihakab yapi kin taku econpi kta kewicakiye cin lecel unyawapi, "Maka kin owancaya ya po, na wicaša otioyohi wotanin wašte kin owicakiyaka po." Taku kapi kin tanin hee, na le on ake lecel unyawapi, "Yunkan hena iyayapi, na owancaya woyakapi;" le taku kapi kin unkokalinišapi kin iyecel inš eya okalnišapi kin tanin hee. Tka uma eciyatanhan tohanl oyanke wanji el wacekiye yapi kin kul ya keyapi ca he naunhonpi ehantans, wocekiye kin he kul ya ca atanin, na wocon kin he wicaša otioyohi tawapi qon wacin iwowicašake. Hececa canna *Hancan* taku econšipi kin he unkiksuyapi, nainš tanyan unkokalnišapi šni sece woawacin tanin. Taku le kapi kin wicota lecel okalnišapi selececa, (Maka kin iyuha etanhan u po, na wotanin wašte wan wicoicage iyuha wicaqupi kin nahon po.) takuni hececa eye šni. Tka tawa Wakantanka wicala wacinyanpi

taomniciye el opa kinhan woepe lenayos, tawafelye cin heon ihukuya iciconze. Tka *tancan* tawa kin on oicihipi šni hecinhan taku nom on. *Wakiconze* maka akan yuicašapi kte cin heon wawokiya okihi, *Wocekiye* na *Womnaye*. Eya lehanl wicohan tanka wanji unyanpi na tawinye hein lehanyan, egnakapi. Wacekiyapi kin wicota hipi šni, tanyan econpi šni, wawahokonkiye kin tanyan eye šni, nakun taku hececa ota yawapica šni on wocekiye kin he el eyapi s'a. Qeyas nakun tuwepi ca hel, wacekiye hipi hecinhan hena woiyunge wan tanka ca ektonjapi. Ho anpetu wakan tuwa wocekiye ye cin he wawahokonkiye nahon kta iyokipi, wanji lowanpi nahon iyokipi, wanji inš cekiyapi icunhan Wotapi Wakan icupi kin he wašelake na wanji inš hinhanca cekiyapi hecela cin. Tka icin tanka kin owasin el sani yukan canke wicaša wanjigji taku lena inš iyokipi šni yuke. Tka lena owasin icunhan *Tawa* he yuonihanpi na on wocekiye kagapi na econpi kin ececa wicoie wanjila kaeš el woawacin yuha šni, na woiyunge wan kiksuye šni—Wakantanka iyokipi he? Ho ablezapi ye to!

Wicapi kin on wocekiye kagapi na econpi kta ehantans. Han! awecakehan wicašapi kin tokel cinpi na tuktel, oga epazopi na kapi cin he ognayan wocekiye kin he wocon econpi kta tka. Nainš *Wakantanka* on wocekiye kin econpi kta hecinhan Iye *Tawoepe* na *Tawoecon* hena ognayan wocon econpi kta ca hecetu, ehanna na lehantu kin woepe kin oga. Lecel unkokalnišapi kin on woawacin na wocon kin lececu. Tona Wakantanka oie nahonpi šni hena onahonwicayapi kta ca wacinyanpi kin hunli, wotanin wašte ayapi kin on wawo-unkiyapi kta ca anpetu wakan kin el tona wicala keunkišiyapi kin hena witaya unhipi, na wocekiye, woyatan, wakilapi, wopila, wokiksuye, lowanpi na womnaye lena econqonpi. Icin unkiyepi lica unyanpi unkokihipi šni heon unkitawacinpi na uncantepi on wocekiye ekta yeunyanpi, na mazaska unkitawapi kin ota šni eša on *Iye Oie* kin yin kta ca heon waunyulitatapi. Na tuwa lecel okalnišapie šni kin he wacinye kin heca šni, na okolakiciye wanji lecel wicotawacin na woepe kin hel kipi šni. Anpetu wakan kin he el *Wakan Cekiyapi* kin he Wakantanka yaonihanpi kte cin wolipe, na *Iye* he *Ta-anpetu* na el *Hancan* heon, wicaša wan iye tuktel, ognayan iyokipi na cin ešaš hecetu šni.

Tka Iye kokipeya, onšiciya, cankpeškanakigleya wocekiye unkeyapi, *Wakan Cekiyapi* kin *Iye Ta-anpetu* na el *Itancan* on woyatan unqupi, na untancanpi unna-gipi taku on tanyan unpi kta

hecin on waunkilapi. Unnipi na lehanyan kin on, na unnipi kin el taku ota *Iye Towaonšila* wopteca šni lena on wopila unqupi. *Iye cinca* kin kini, wowašte wicanagi on *Iye el Tancan* na *We* iya-cinyan on wokiksuye econqonpi, nakun *Iye Oie* naunhonpi na on wawahokonkiye heon, tuwa he iyotan el tokel tawacin kin itkob kpazo kte cin wokokipe, wawahokonkiye kin wicaša ekta wicotawacin wašte na tanka kaše, na wicanagi ekta inš tawoyute na on wowašake. *Wakan Cekiyapi* el olowan hena wašte lica, na el wicaša tawowacinyepi tanyelci ho tawapi kin on glutaninpi kin Wakantanka wašelake. *Wakan Cekiyapi* el Wakantanka kokipeya, yuonihanyan, onšiciya, canpeška makaunkiglepi na waceun-kiyapi, *Iye Oie* naunhonpi kta on unyanapi, *Iye* unkielowanpi kta on yuonihanyan naunhonpi. Ho! lena yamni *Wakan Cekiyapi* el wocon tokapa na tanka, na tuwa lena ecel, econ kin he wacinyan ca tanin. Heon tuwa wacekiye i na tawacin kin toketu na tokeca kin tancan tawa kin kici akiyecel ya glutanin canna wiciyokipi hee, he el Wakantanka kici unkitawacinpi ekta icikiyela kin heon woawacin ikeeka kin unkipatanpi na *Iye* unkiyepi un kin unkiksuyapi wašte. Heon ake ito awacinye, *Wakan Cekiyapi* kin *Wakantanka* on nainš *Wicaša* on uma tukte oga yacinpi na wicayalapi kin owotanla kta he?

Harry F. C. Woods.

San Francisco ekta General Convention el Bishop zaptan wicakalnišapi. China yewicašipi obašpe kin kiyušpapi na Hankow obašpe kagapi na he el Bishop un kta e wicaša wakan wan, Rev. J. A. Ingle kalnigapi. Hehan Philippine wita kin un kta e Rev. Chas. H. Brent, Boston etanhan kalnigapi. Hehan Porto Rico on, Rev. Wm. Cabell Brown kapi. He Brazil el Yewicašipi on wowašiyee econ. Hehan Olympia obašpe kin on Rev. W. F. Keator, Dubuque, Ia. etanhan kapi. Hehan North Dakota obašpe kin on, Rev. Cameron Mann, Kansas City, Kansas, etanhan kalnigapi. Ehake kin le Lakota Inyan wakagapi opaye tipi na Skahin opapi kin he Bishop tawayapi kta.

Lecel yušanpi kin eciyatanhan Yewicašipi obašpe yamni teca kagapi, na womnaye aokpani eša General Convention kin wacintankaya wayušanpi selececa, na Okolakiciye opapi kin yewicašipi wicohan kin sanpa akigle wawokiyapi kta e iwacinwicayapi. Unkiye Lakota unqonpi kin Okolakiciye kin ouapapi lecel unkiš sanpa na sanpa wawo-unkiyapi wašte.

General Convention mnicuyapi icunhan owancayatanhan Winyan omaciye kin etanhan kalnili hipi na Oct. 3d Tipi wakan wan el ptayela wotapi wakan icupi, na womnaye econpi kin—Yuwitaye owomnaye (canopiye to) kin wakiyulitatapi, yunkan mazaska 104,000 akton kicunpi. Mazaska kin le Lakota Winyan omniciye kin onge kicunpi.